



Ilmo Concello de
CAMBADOS
(Pontevedra)

ACTA DA SESIÓN ORDINARIA CELEBRADA POLO PLENO O 24 DE NOVEMBRO DE 2016.

ASISTENTES:

PRESIDENTA:

Abal Roma, Fátima (P.S.deG.-PSOE)

CONCELLEIROS:

Abal Varela, José Ramón (Cambados PODE)

Aragunde Aragunde, Luis (P.P.)

Brea Troncoso, Mónica (P.P.)

Caamaño Rivas, Víctor Manuel (B.N.G.)

Cacabelos Domínguez, María Josefa (B.N.G.)

Charlín Trigo, Xurxo (Participación Democrática Directa de Galicia/Somos Cambados)

Cordal Rodríguez, Constantino (Participación Democrática Directa de Galicia/Somos Cambados).

Gómez Blanco, Juan Ramiro (P.P.)

Iglesias Pombo, Antonio Joaquín (P.P.)

Martínez Piñeiro, Milagros (P.S.deG.-PSOE)

Oubiña Santos, Ana Isabel (P.P.)

Pérez Osorio, Miguel (P.S.deG.-PSOE)

Prado Cores, María Teresa (B.N.G.)

Serantes González, Luis Alberto (P.P.)

Varela Piñeiro, María Isabel (P.P.)

NON ASISTE:

Pomares Botana, Eulogio (P.P.)

SECRETARIO XERAL

D. Francisco Javier Oubiña Lodeiro

No Salón de sesións da Casa Consistorial, sendo as vinte e unha horas e cinco minutos, reúnen-se en primeira convocatoria os Concelleiros citados anteriormente, ao obxecto de celebrar a sesión ordinaria do Pleno, asistidos de min, o secretario xeral do Concello quen certifica.

Comprobada pola Secretaría a existencia do quórum necesario, declárase polo Sr. Alcalde-Presidente aberta a sesión, con arranxo ao seguinte orde do día:

ORDE DO DÍA

I) PARTE RESOLUTIVA

Intervén a Sra. Alcaldesa dicindo que tendo en conta que as comisións informativas se celebraron, hoxe 24 de novembro, procédese á ratificación da inclusión do asunto na orde do día, acordo que require de maioría simple, sendo esta apreciada



Ilmo Concello de
CAMBADOS
(Pontevedra)

por unanimidade dos membros presentes (16), en consecuencia queda ratificada a inclusión do punto na orde do día.

1.- APROBACIÓN INICIAL, SE PROCEDE, DA MODIFICACIÓN DA ORDENANZA MUNICIPAL DA VENDA AMBULANTE OU NON SEDENTARIA DO CONCELLO DE CAMBADOS.

Procede o secretario á lectura do dictame que é o seguinte:

"A Comisión Informativa Permanente de Facenda e Patrimonio, en sesión extraordinaria celebrada o 24 de novembro de 2016, emitiu ao amparo do previsto no artigo 126 do Real Decreto 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, e 65 do Regulamento orgánico municipal o seguinte dictame que ten carácter preceptivo e non vinculante:

APROBACIÓN INICIAL, SE PROCEDE, DA MODIFICACIÓN DA ORDENANZA MUNICIPAL DA VENDA AMBULANTE OU NON SEDENTARIA DO CONCELLO DE CAMBADOS.

Intervén o Secretario quen manifesta que a proposta de acordo foi informada favorablemente pola mesa local do comercio de cambados e da lectura en estrato dos artigos que se van a modificar.

Sometida a proposta a votación esta é aprobada por unanimidade. En consecuencia queda dictaminada favorablemente a proposta do Concelleiro de Economía, Facenda, Industria, Promoción Económica e Comercio que é a seguinte:

Redactada a proposta da modificación da Ordenanza Municipal de Venda Ambulante ou non sedentaria do Concello de Cambados e informada favorablemente pola Mesa Local do Comercio de Cambados é polo que propoño á Comisión Informativa permanente de Economía e Patrimonio dictamine en sentido favorable a modificación e eleve ao pleno a seguinte proposta:

Primeiro.- Aprobar inicialmente a modificación da Ordenanza Municipal de Venda Ambulante ou non sedentaria do Concello de Cambados segundo a redacción dada polo Concelleiro de Economía, Facenda, Industria, Promoción Económica e Comercio.

Segundo.- Abrir un período de información pública por espazo de 30 días hábiles mediante a súa publicación no Boletín Oficial da Provincial, e darlle audiencia ás asociacións comerciais e consumidoras inscritas no Rexistro Municipal polo prazo de 30 días para a presentación de reclamacións e suxerencias.

Terceiro.- Rematado o período de información pública, o Pleno, nun acto unitario, debe resolver as reclamacións e proceder á súa aprobación definitiva. No caso de que non se presentase ningunha reclamación ou suxerencia, entenderáse definitivamente adoptado o acordo ata entón provisional.



**Ilmo Concello de
CAMBADOS
(Pontevedra)**

Cuarto.- Publicación e entrada en vigor: Dacordo co disposto no artigo 70.2 da lei 7/195, do 2 de abril, Reguladora das Bases de Réxime Local a modificación non entrará en vigor ata que se publique íntegramente o texto da modificación no BOPPO e transcorra o prazo previsto no artigo 65.2 da Lei 7/1985 (15 días hábiles a partires da recepción do acordo por parte da Administración do Estado e da Comunidade Autónoma).”.

Intervén o Sr. Chalín Trigo quen expón que a Ordenanza de Venda Ambulante foi aprobada definitivamente o 26 de febreiro de 2016 e que coa aplicación da mesma vironse unha serie de deficiencias e demandas dos comerciantes de ahí a modificación que se trae a pleno. Expón que o Pleno da Corporación, en sesión celebrada o día 26.11.2015, acordou aprobar inicialmente da Ordenanza Municipal de venda ambulante ou non sedentaria do Concello de Cambados, exposto ó público o expediente, e non téndose presentado contra o mesmo reclamación ou alegación algunha, elevouse a definitivo o acordo ata entón provisional, publicándose o seu texto íntegro, para xeral coñecemento no Boletín Oficial da Provincia de Pontevedra de data 22 de Febreiro de 2016.

Esta norma foi aplicada no mercado por parte do Concello de Cambados trala presentación por parte dos ambulantes que xa tiñan autorización para a venda en Cambados da documentación requirida, e entregándose un total de 196 tarxetas acreditativas de dispor da licenza de venda ambulante ou non sedentaria no Concello de Cambados.

Esta nova ordenanza nace da demanda do propio sector, que se puxo en contacto co concello de Cambados e reclamou a implantación dunha nova ordenanza, adaptada a lexislación vixente e que rematara co intrusismo e falta de control existente no mercado. Así como tamén se lle pediu o concello que intensificara o control do mercado para que a nova ordenanza se aplicara, xa que de nada vale facer unha nova ordenanza que regule o mercado ambulante do concello de Cambados, se non ven acompañada dun seguimento e control do cumprimento da mesma por parte do concello, seguimento que se veu efectuando o longo destas semanas unha vez que foron entregadas as autorizacións para a venda e que teñen que mostrar os vendedores ambulantes nos seus postos de venda.

A inspección levada a cabo durante varias semanas no Mercado de Cambados serviu para poñer enriba da mesa algunhas das obrigas e esixencias que os vendedores ambulantes deben cumprir. Agora que os seus deberes quedaron ben claros, os ambulantes queren que a Concellería de Promoción Económica tamén cumpra coas súas responsabilidades, resolvendo as diversas solicitudes propostas por este colectivo e que foron debatidas pola mesa de comercio local, antes de ser presentada este acordo de goberno no Pleno municipal.

Algunhas destas eivas xa foron transmitidas en persoa ao concelleiro responsable da area, se ben todas elas dependen directamente das competencias que ten o concelleiro Xurxo Charlín estas foron debatidas na mesa de comercio local. Motivo polo que, o Concello vai levar a debate as propostas dos ambulantes para modificar a ordenanza de mercados en varios puntos.



**Ilmo Concello de
CAMBADOS
(Pontevedra)**

Intervén o Sr. Aragunde Aragunde quen anuncia o voto favorable do seu grupo e que xa votaron a favor na mesa local de comercio.

Sometida a proposta a votación esta é apreciada por unanimidade (16). En consecuencia queda aprobada inicialmente a modificación da Ordenanza Municipal de Venda Ambulante ou non Sedentaria do Concello de Cambados sendo o texto obxecto da modificación o seguinte:

"Artigo 3.—Réxime de autorización

1.—Corresponde ao Concello de Cambados determinar a zona de localización para o exercicio da venda ambulante ou non sedentaria, fóra da cal non se poderá exercer a actividade comercial. Os postos de venda ambulante ou non sedentaria non se poderán situar nos accesos a edificios de uso público, establecementos comerciais e industriais, nin en lugares que dificulten o acceso e a circulación. Os postos de venda instalados en beirarrúas ou vías públicas que vulneren o establecido no apartado anterior, serán retirados por persoal municipal, previa Resolución da Alcaldía.

2.—Para cada localización concreta e por cada unha das modalidades de venda ambulante ou non sedentaria que o comerciante se propoña exercer, deberá solicitar unha licenza, que será outorgada polo concello. Esta licenza dará dereito a un só posto de venda e só poderá solicitarse unha por cada epígrafe da CNAE que determina suxeición ao IAE.

3.—Tendo as licenzas a consideración de seren outorgadas sen prexuízo de terceiro e con natureza precaria, o exercicio de calquera actividade ou comercio na vía pública sen licenza municipal, ou sen axustarse a ela, dará lugar á retirada inmediata das instalacións, elementos e xéneros neles situados. No caso do parágrafo anterior, os interesados poderán recuperar os elementos retirados previo abono do importe dos custes de procedemento de custodia e almacenamento das mercadorías retidas. Os/as comerciantes terán a vista na parte frontal superior e perfectamente visible a licenza municipal, polo que presumirase que tal licenza non existe de non presentar a mesma no momento de ser esixida polos axentes municipais.

4.-EXCLUSIÓNS

De conformidade con canto se establece polo Artigo 2.4 do Decreto 194/2001, de 26 de xullo non terá consideración de venda ambulante:

-Actividades comerciais reguladas pola Lei 1/1996, de 5 de marzo, de actividades ferias de Galicia e as súas normas de desenvolvemento.

-Venda directa exercida polos agricultores do termo municipal ou nos termos limítrofes, limitada á súa propia produción. Venda de obxectos artesanais realizados polos propios produtores, con motivo de festas, feiras ou acontecementos populares.



Ilmo Concello de
CAMBADOS
(Pontevedra)

-Venda puramente ocasional de xornais, plantas e flores, así como de obxectos usados de pertenza particular do vendedor.

-Tampouco teñen a consideración de venda ambulante a venda a distancia nin a venda automática mediante máquinas preparadas ó efecto.

Non obstante ó exposto os agricultores e artesáns que realicen este tipo de venda utilizando as vías públicas están suxeitos ás normas de funcionamento establecidas na presente ordenanza así como as obrigas que se indican no capítulo V así como, no seu caso, ó réxime de infraccións e sancións do capítulo VII.

Outro dos puntos a tratar vai ser a modificación do lugar que ocupan os vendedores ambulantes en caso de que por inclemencias meteorolóxicas non están tódolos vendedores ambulantes no mercado, e que no caso de que existan ocos libres, estes poidan agruparse nunha zona, sempre e cando teñan a autorización previa do funcionario encargado do mercado para instalarse fora da zona autorizada, polo que se propón a modificación o artigo 16 da ordenanza en referencia os Dereitos dos titulares da autorización, no seu apartado b) Con relación aos postos, nos termos que se transcriben a continuación:

Artigo 16. Obrigas das persoas autorizadas

A autorización municipal implica as seguintes obrigas ao seu titular:

... b) Con relación aos postos:

1. Non se poderá ocupar un espazo superior ao da superficie autorizada. **En caso de que existan postos do mercado libres o non ser ocupados nese día de mercado polos vendedores titulares deses postos do mercado ambulante autorizados para a venda, sempre e cando teñan a autorización previa do funcionario encargado do mercado, os titulares autorizados doutros postos poderán ocupar esas zonas libres no mercado e instalarse fora da súa zona autorizada que lle corresponde, ocupando só no día de mercado que se lle deu autorización o posto que quedou sen instalar nese día de Mercado, co fin de que os vendedores están agrupados nunha única zona e non se atopen postos de venda illados no Mercado.**

2. Deberán de conservarse os postos, así como a superficie ocupada en perfecto estado de limpeza. Para o exercicio do comercio ambulante será necesario o uso de instalacións desmontábeis ou transportábeis así como dende os vehículos, incluídos os vehículos-tenda. Os vendedores están obrigados a manter limpo e nas debidas condicións, durante toda a celebración do mercadillo o espazo que lles fora asignado. Os refugallos e embalaxes, debidamente atados serán depositados nos colectores correspondentes.

3. O espazo ocupado deberá de quedar, tras a retirada do posto, libre de lixos.

4. Prohíbese o emprego de anclaxes ou elementos que danen o pavimento ou superficie sobre a que se coloquen os postos.



Ilmo Concello de
CAMBADOS
(Pontevedra)

O presente acordo entrará en vigor o día da súa publicación no Boletín Oficial da Provincia, e comezará a aplicarse a partir da súa publicación, permanecendo en vigor ata que se acorde a súa modificación ou derogación”.

Intervén a Sra. Alcaldesa dicindo que tendo en conta que as comisións informativas se celebraron, hoxe 24 de novembro, procédese á ratificación da inclusión do asunto na orde do día, acordo que require de maioría simple, sometida a ratificación da inclusión na orde do día a votación acádase o seguinte resultado:

Votos a favor: 13 (Membros dos grupos municipais do PP, P.S.deG.-PSOE, Participación Democrática Directa de Galicia/Somos Cambados e grupo mixto)

Abstencións 3 (Membros do grupo municipal do BNG). En consecuencia queda incluída na orde do día a proposta do concelleiro de enoturismo, urbanismo, servizos e obras, para a creación dunha comisión organizadora dos eventos relativos ao nomeamento de cambados como cidade europea do viño 2017.

2º.- PROPOSTA DO CONCELLEIRO DE ENOTURISMO, URBANISMO, SERVIZOS E OBRAS, PARA A CREACIÓN DUNHA COMISIÓN ORGANIZADORA DOS EVENTOS RELATIVOS AO NOMEAMENTO DE CAMBADOS COMO CIDADE EUROPEA DO VIÑO 2017.

Procede o secretario á lectura do ditame que é o seguinte:

“A Comisión Informativa Permanente de Turismo, en sesión extraordinaria celebrada o 24 de novembro de 2016, emitiu ao amparo do previsto no artigo 126 do Real Decreto 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, e 65 do Regulamento orgánico municipal o seguinte ditame que ten carácter preceptivo e non vinculante:

PROPOSTA DO CONCELLEIRO DE ENOTURISMO, URBANISMO, SERVIZOS E OBRAS, PARA A CREACIÓN DUNHA COMISIÓN ORGANIZADORA DOS EVENTOS RELATIVOS AO NOMEAMENTO DE CAMBADOS COMO CIDADE EUROPEA DO VIÑO 2017.

Intervén o Sr. Abal Varela quen dí que o proxecto se presentou con urxencia a RECEVIN, que son 80 actividades a desenvolver, que nun medio se lle preguntou cando se conseguiu a distinción se se ía a crear unha comisión e que respostou que en principio a creía innecesaria, quer posteriormente e vista a envergadura do proxecto estendía que a creación dun ente que axudase a desenvolver as actividades lle pareceu o máis axeitado, amén de contar nunha comisión con administracións públicas para a tratar de xeito directo o financiamento, que para levar a cabo esta iniciativa considera necesario crear unha comisión organizadora ou grupo de traballo, que a definición da mesma non é o importante, que estas comisións existiron noutros concellos como Madrid, Liria así como en municipios galegos, que entende ademáis que compre a participación non só das administracións públicas senón doutros entes vinculados co sector, que no total das 80 actividades están implicadas a Xunta de Galicia, Mancomunidade, D.. Orixe Rías Baixas e nunha o Capítulo Serenísimos, que isto pode servir para xestionar de xeito máis eficiente e que tamén vai vinculado á aportación de recursos. Prosegue



**limo Concello de
CAMBADOS
(Pontevedra)**

dicindo que as entidades ás que se vai a convidar responden a criterios obxectivos, que cré importantísimo que a proposta se aprobe por unanimidade, que se deben deixar ao lado as posicións ideolóxicas e non tentar facer política con este tema, que isto é un éxito de todos e que se debe dar unha imaxe de unidade, que iste foi un proxecto que naceu dende o departamento de enoturismo e que non ten ningún interese en que se chame como se queira, que a realidade é que tiveron dous meses e que traballaron areo e contrareloxo, que non se debe demorar xa que en breve terán que presentar en FITUR a presentación de actividades. Solicita que o secretario expoña o seu informe que fai de xeito sucinto, o secretario dí que aínda que os concellos teñen a capacidade de autoorganización dacordo co previsto no artigo 20 da Lei de Bases, o establecemento de órganos complementarios deberá estar dacordo co previsto na Lei de Bases de Réxime Local e nas leis das comunidades autónomas, istoé a Lei 5/1997 de Administración Local de Galicia e que a proposta non se corresponde con ningún dos órganos previstos na lexislación, que non se pode entender como unha comisión de sexerencia a que se refire a normativa para as grandes cidades xa que ista cinguese ao ámbito municipal e aquí participan outras administracións públicas e que non se pode acudir á constitución dun consorcio, non obstante informe que sí podería acudirse á redacción dun convenio no que poderían estar implicadas as entidades propostas polo concelleiro e crear unha comisión de seguimento do mesmo tal e como prevé a Lei de Réxime Xurídico do Sector Público, asimesmo fai mención a dous precedentes no Concello de Cambados en que sí se creou unha comisión similar á proposta polo concelleiro.

Intervén o Sr. Aragunde Aragunde quen dí que teñen a experiencia da Comisión de Cabanillas e que foi moi positiva, na que se impuxo o consenso no seo da comisión que foi moi produtiva e que se fixo un gran traballo, que están dacordo coa proposta, que hai que estar por riba da política, que aínda que na súa proposta solicitan se respecte a proporcionalidade estarían dispostos a perden algún membro en aras da operatividade da comisión. Remata dicindo que crén que hai que apoiar a proposta.

O Sr. Caamaño Rivas dí que se vai a abster e que explicarán o sentido do seu voto no pleno.

Intervén o Sr. Cordal Rodríguez anunciando que se vai a abster por unha cuestión de forma e que ten alguna dúbida sobre algún dos membros, entende que para poder apoiala debora amoldarse ao informe do secretario modificando algún parágrafos pero que está completamente de acordó co fondo da proposta.

Intervén a Sra. Martínez Piñeiro quen dí que se vai a abster porque non lles parece que teña cabida no ordenamento xurídico segundo o informe do secretario, que votarían a favor se se substancia a través dun convenio.

Intervén o Sr. Cordal Rodríguez que dí que ve máis factible a aprobación dun convenio marco onde se poidan adherir as entidades e que igual con algunha non se falou todavía.

Intervén o Sr. Aragunde Aragunde quen opina que se a comisión se houbera celebrado o luns habería tempo para elaborar unha proposta consensuada, que van



**Ilmo Concello de
CAMBADOS
(Pontevedra)**

apoiar a proposta pero que non teñen inconveniente para aprobar un convenio e unha comisión de seguimento se así se propón.

Intervén o Sr. Abal Varela quen dí que non ten inconveniente a que a proposta se adapte xuridicamente ao que diga o secretario.

Remata o Sr. Aragunde Aragunde dicindo que apoian a proposta e aceptarían tamén de ser o caso outra redacción como convenio de colaboración e comisión de seguimento.

Sometida a proposta a votación esta é aprobada con 4 votos a favor (Srs Abal Varela, Aragunde Aragunde, Serantes González e Iglesias Pombo) e 3 abstencións (Cordal Rodríguez, Caamaño Rivas e Martínez Piñeiro) en consecuencia queda ditaminada favorablemente a proposta nos termos en que foi presentada e que é a seguinte:

PROPOSTA DE CREACIÓN COMISIÓN ORGANIZADORA DOS EVENTOS RELATIVOS AO NOMEAMENTO DE CAMBADOS COMO CIDADE EUROPEA DO VIÑO 2017

Como todos sabemos o pasado día 04/11/2016 Cambados foi nomeada Cidade Europea do Viño 2017 gracias a un traballo previo realizado polo Departamento de Enoturismo. Esta distinción a concede RECEVIN (Rede de Cidades Europeas do Viño), que aglutina a preto de 800 cidades europeas de 11 países e conta co apoio de 3 asociacións nacionais de cidades do viño.

Os obxectivos de RECEVIN son tales como fomentar o enoturismo, impulsar e promocionar os territorios vitivinícolas, dar a coñecer todo o relativo co mundo do viño e potenciar os destinos enoturísticos. A finalidade última destes obxectivos é desenvolver e promocionar as economías locais dos territorios vitivinícolas.

Este premio debe ser entendido como un éxito colectivo de todo o pobo de Cambados, como unha oportunidade e un momento histórico para a Comarca do Salnés e para toda Galicia.

Polo tanto todos debemos sentir, vivir, e disfrutar este gran momento que vai a supoñer un gran impulso para o sector vitivinícola e para o turismo na nosa comarca. Por estes motivos dende a Concellería de Enoturismo entendemos que é necesaria a creación dunha comisión organizadora con representación dos organismos vinculados ás actividades presentadas no proxecto.

O motivo polo cal cremos necesario a creación desta Comisión é o de axilizar os trámites relacionados coa organización dos eventos e o desenvolvemento dos mesmos. Asímesmo tamén sería un instrumento útil para que de forma coordinada e organizada, entre todos, poidamos reunir os recursos necesarios para o éxito que require o nomeamento de Cambados como Cidade Europea do Viño 2017.

Esta Comisión entendemos que debería estar formada polos seguintes representantes:

- 1.- Representante de FECA (Federación de empresarios da Comarca de Arousa)
- 2.- Representante do Grupo Municipal do Partido Popular de Cambados.
- 3.- Representante do Grupo Municipal do Partido Socialista de Cambados.
- 4.- Representante do Grupo Municipal do BNG de Cambados.



**Ilmo Concello de
CAMBADOS
(Pontevedra)**

- 5.- Representante do Grupo Municipal de Somos Cambados de Cambados.
- 6.- Representante do Grupo Municipal de Cambados PODE de Cambados.
- 7.- Representante da Deputación Provincial de Pontevedra.
- 8.- Representante da Xunta de Galicia.
- 9.- Representante da Mancomunidade do Salnés.
- 10.- Representante da Ruta do Viño Rías Baixas.
- 11.- Representante da D.O. Rías Baixas.
- 12.- Representante do Capítulo Serenísimos do Albariño.
- 13.- Representante da Asociación de Comerciantes Zona Centro.

Quedaría aberta a posibilidade de incorporación de novos membros que poidan xurdir próximamente mediante unha petición por escrito e aprobación da súa admisión por parte da comisión organizadora.

O carácter desta COMISIÓN ORGANIZADORA será meramente consultivo, reservando a potestade de toma de decisións ao equipo de goberno do Concello de Cambados.

A periodicidade das xuntanzas desta comisión será MENSUAL, tendo lugar o primeiro luns de cada mes no MUSEO DO VIÑO de Cambados.

A presidencia desta Comisión Organizadora corresponderá ao Concelleiro Delegado no Departamento de Enoturismo do Concello de Cambados.

Polo exposto propoño se dictamine a seguinte proposta en sentido favorable e se eleve ao Pleno o seguinte acordo:

Primeiro.- Crear a **COMISIÓN ORGANIZADORA DOS EVENTOS RELATIVOS AO NOMEAMENTO DE CAMBADOS COMO CIDADE EUROPEA DO VIÑO 2017.**

Segundo.- A Comisión terá carácter consultivo e non vinculante, dependendo xerárquicamente do Concelleiro delegado de Enoturismo. Únicamente exercerá funcións de proposta de actuacións relacionadas cos eventos relativos ao nomeamento de Cambados como cidade europea do viño 2017 que o Presidente trasladará aos Concelleiros ou órganos competentes.

Terceiro.- Integrantes:

Presidente: O Concelleiro Delegado no Departamento de Enoturismo do Concello de Cambados

Vocais: Un representante de cada un dos seguintes grupos municipais do Concello (Partido Popular, Partido Socialista, BNG e Somos Cambados mediante escrito presentado polo correspondente voceiro. Asimesmo por un representante, da Deputación Provincial de Pontevedra, da Xunta de Galicia, da Mancomunidade do Salnés, da Ruta do Viño Rías Baixas, da D.O. Rías Baixas, do Capítulo Serenísimos do Albariño e da Asociación de Comerciantes Zona Centro, designado por eles. No caso de non proceder ao nomeamento no prazo de 15 días dende a invitación entenderase que declinan integrarse na Comisión.

Poderán incorporarse novos membros mediante unha petición por escrito e aprobación da súa admisión por parte da comisión organizadora.

Secretario: Un traballador do Concello nomeado polo Concelleiro de Enoturismo.

Cuarto.- Réxime de sesións, funcionamento e acordos:

Sesións:

- Ordinarias: O primeiro luns de cada mes. Convocarase con 2 días hábiles de antelación.

- Extraordinarias: Como máximo de 3, a instancia do Presidente.

Para a válida constitución do órgano, a efectos da celebración de sesións, e toma de acordos, requirirase a asistencia, presencial do Presidente e Secretario ou no seu



**Ilmo Concello de
CAMBADOS
(Pontevedra)**

caso, de quenes os suplan, e da metade, ao menos, dos seus membros. Todos os acordos serán adoptados por maioría simple."

Rematada a lectura o Sr. Abal Varela pon a versión en galego do video promocional.

O Sr. Abal Varela expón que é certo que na comisión informativa xurdiron dúbidas xurídicas, que se baseou no que teñen feito outros concellos, que a finalidade destes entes ven sendo a mesma, que é tratar de organizar, axilizar e tamén unha forma de reunir os recursos. Agradece o apoio da Corporación municipal á concelleira de turismo co seu compromiso, á anterior corporación municipal cando no ano 2013 se presentaron, á directora do Museo do Viño a súa xestión para entrar na Xunta Directiva de RECEVIN, o compromiso dos funcionarios e técnicos que traballaron neste proxecto, mención especial a Juan Atanes, a Inma que unha vez rematado o seu vínculo laboral seguiu traballando neste proxecto desinteresadamente, á Técnico Marien Padin, ao sector vitivinícola, a todas as administracións públicas, Xunta de Galicia, Deputación de Pontevedra, Mancomunidade do Salnés, 70 municipios de Galicia, aos municipios da Bretaña Francesa, á Ruta do Viño Rías Baixas, á Denominación de Orixe Rías Bixas e ao Capítulo do Serenísimos.

Prosegue a dicir que debemos estar todos unidos neste proxecto xa que é un éxito colectivo, que nas 80 actividades proxectadas figuran as distintas administracións e entidades que se citan na proposta de acordo de creación da comisión organizadora, que a proposta é clara e foi ditaminada favorablemente na comisión informativa de hoxe, que cré que é o mellor e solicita o apoio dos distintos grupos, que hai que deixar ao lado as nosas ideoloxías e sendo así deberá ser aprobada por unanimidade.

Intervén o Sr. Cordal Rodríguez quen presenta unha emenda, dí que hoxe á mañá estaban completamente dacordo no fondo pero non nas formas e fai referencia ao informe emitido polo secretario do concello.

A emenda é a seguinte:

EMENDA Á PROPOSTA DO CONCELEIRO DE ENOTURISMO PARA A CREACIÓN DUNHA COMISIÓN ORGANIZADORA DOS EVENTOS RELATIVOS AO NOMEAMENTO DE CAMBADOS COMO CIDADE EUROPEA DO VIÑO 2017

De conformidade co previsto no artigo 4.3.5 do Regulamento Orgánico Municipal, preséntase a seguinte emenda á proposta do Concelleiro de Enoturismo para a creación dunha comisión organizadora dos eventos relativos ao nomeamento de Cambados como Cidade Europea do Viño 2017:

Visto o informe do Secretario do Concello ao respecto da proposta presentada ante este pleno polo Concelleiro de Enoturismo para a creación dunha comisión organizadora dos eventos relativos ao nomeamento de Cambados como Cidade Europea do Viño 2017, entendemos que é necesario modificar dita proposta.

No encabezamento da proposta do Concelleiro de Enoturismo debe substituírse "...para a creación dunha comisión organizadora dos eventos relativos ao nomeamento de Cambados como Cidade Europea do Viño 2017" por "...para a



**Ilimo Concello de
CAMBADOS
(Pontevedra)**

redacción e aprobación dun convenio de elaboración sobre os eventos relativos ao nomeamento de Cambados como Cidade Europea do Viño 2017 e unha comisión de seguimento do mesmo".

No cartto parágrafo debe substituírse "...a creación dunha comisión organizadora con representación dos organismos vinculados ás actividades presentadas no proxecto" por "...a redacción e posterior aprobación dun convenio de colaboración ao cal debe convidarse a participar ás entidades públicas e privadas vinculadas ás actividades presentadas no proxecto da candidatura de Cambados como Cidade Europea do Viño 2017, que, asemade, formarán parte dunha comisión de seguimento do citado convenio de colaboración".

No quinto parágrafo onde di "...a creación desta Comisión..." debe dicir "...a redacción e aprobación deste convenio de colaboración e da súa comisión de seguimento...".

No parágrafo seguinte onde di "Esta comisión..." debe dicir "Este convenio de colaboración e a súa comisión de seguimento...".

No primeiro parágrafo da segunda páxina onde di "...por parte da comisión organizadora" debe dicir "por parte da comisión de seguimento".

No segundo parágrafo da segunda páxina onde di "O carácter desa COMISIÓN ORGANIZADORA..." debe dicir "O carácter desa comisión de seguimento...".

No terceiro parágrafo da segunda páxina onde di "...desta comisión..." debe dicir "...desta comisión de seguimento...".

No cuarto parágrafo da segunda páxina onde di "...Comisión Organizadora..." debe dicir "...Comisión de Seguimento...".

No primeiro punto do acordo onde di "Crear a COMISIÓN ORGANIZADORA" debe dicir "Redactar e aprobar un Convenio de colaboración e unha comisión de seguimento do mesmo...".

No segundo punto onde di "A Comisión..." debe dicir "A Comisión de Seguimento...".

No terceiro punto onde di "...na Comisión" debe dicir "...na comisión de seguimento" e onde di "...comisión organizadora" debe dicir "...comisión de seguimento".

Intervén o Sr. Aragunde Aragunde dicindo que eles apoian o evento, que xa no seu día se presentaron e que fixeron unha boa labor que se atoparon co adersario máis importante como era Jerez de la Frontera, que quedou un proxecto feito que levou meses de traballo. Que eles comparten e así o fixeron no seu día coa creación dunha comisión organizadora (Ramón Cabanillas, Asorey) onde estaban incluídos representantes de todos os grupos políticos, expertos e distintas administración públicas, que a experiencia lles dixo que funcionou moi ben. Que comparten a filosofía da propsta de acordó do concelleiro de enoturismo, que lles da igual que se elabore un convenio e se faga unha comisión de seguimento, o importante é estar todos representados, que debendo respectarse a proporcionalidade están dispostos a ceder algún membro na comisión, que na propia comisión o manifestaron, que están dacordo no ondo e coas verbas que pronunción o Sr. Abal Varela.

Intervén o Sr. Caamaño Rivas quen en primeiro lugar quere darlle a noraboa ao Sr. Abal Varela porque foi o seu tesón o que fixo posible este éxito. Prosegue a dicir que non obstante os membros do BNG non saben o que van a votar os outros membros do grupo de gobernó e que non o saben porque non se falou, o documento segue sendo o mesmo que se ditaminou hoxe pola mañá, que habería que confeccionar outro documento que se aprobase entre todos xa que o que non se pode facer é que o asunto se trate no pleno, que sacar a alguén da comisión é



**Ilmo Concello de
CAMBADOS
(Pontevedra)**

moi cantoso e que unha vez que estean todos satisfeitos é cando se pode sacar o asunto adiante. Que o BNG dí que se isto non sae adiante foi pola torpeza na maneira de tratar e presentar o asunto, que se sinten despreziados por non telos en conta, que non lles valer que se lles desprece e logo se lles pida apoio, que é máis fácil, camiñar 5 metros e tratar o asunto que chamar á prensa, que se sinten ofendidos, que as cousas non se fan así, que non pode ser que este asunto naza dun cabreo. Remata dicindo que non se pode deixar de lado a ideoloxía, que a día de hoxe non se ten un documento concreto, que saben da importancia do asunto que se está a tratar pero que as cousas así feitas non lles gustan e que non as van a aceptar.

Intervén a Sra Alcaldesa dicindo que se a proposta é emendada en base ao informe de secretaría e se fai un convenio e se crea unha comisión de seguimento do mesmo apoiarán a proposta, que unha alcaldesa ten que cumprir coa legalidade.

Intervén o Sr. Abal Varela quen dí entender as críticas do Sr. Caamaño pero que non hai tempo e hai que actuar con celeridade, que o galardón foi unha milagre e que tivo que tirar en principio en solitario, que lle gustaría ter todo o tempo do mundo pero que o tempo é limitado. Que este é un premio para todo o pobo de Cambados, que saíu dende o departamento de enoturismo pero que é un éxito de todos, que se podería pospoñer para o vindeiro pleno ero que chegaría tarde. Dí que o secretario tamén participou na redacción da proposta, que as actividades deseñadas implican a todas as entidades. Dí nunca irá en contra da lei e do secretario municipal, que o tempo é o que é e que non quere facer política con este tema, que este proxecto non ten nada que ver coa ideoloxía. Remata a súa intervención pedindo altura de miras e solicita que se aprobe por unanimidade.

Intervén o Sr. Cordal Rodríguez quen dí que na comisión de hoxe pola mañá xa dixo que ía tratar unha emenda, que todos se alegraron co galardón e que recoñece o traballo previo que fixo neste tema o anterior goberno do PP.

Intervén o Sr. Caamaño Rivas quen dí que cré que houbo tempo de sobre esta semana para tratar este asunto, que está encantado do nomeamento de Cambados como cidade europea do viño 2017 pero que toman nota de cara ao futuro polo xeito de cómo se levou este asunto.

Intervén o Sr. Aragunde Aragunde quen dí que están abraizados porque o que sucedeu hoxe aquí algo que non sucedeu en moitos anos, que os problemas internos que teñades e que os tratades nun pleno é sorprendente. Diríxese ao Sr. Caamaño a quen lle dí que insinúa que José Ramón está brindando unha oportunidade para crear conflito e brindarlle unha oportunidade ao PP, e é que o primeiro que propuxo a creación dunha comisión foi é, que non sabía quenes estaban na comisión pero que fala dende a experiencia que se mostrou moi positiva cando o PP creou este tipo de comisión, así como entendemos que o capítulo serenísimo que debe estar presente. Sorpréndeme esa reprimenda pública e creo que o importante é aprobar a proposta cos cambios que se poidan introducir en base ao informe do secretario.



**Ilmo Concello de
CAMBADOS
(Pontevedra)**

Intervén o Sr. Caamaño Rivas quen dí que él non criticou a posturo do PP. Que o BNG ten principios moi firmes pero que tamén sabe renunciar a cuestións, como o relativo á Praza de Fefiñáns, co gallo de chegar a acordos.

Procédese á votación da emenda acadándose o seguinte resultado:

Votos a favor: 13 (Membros dos grupos municipais do PP, P.S.deG.-PSOE, Participación Democrática Directa de Galicia/Somos Cambados e grupo mixto)

Abstencións 3 (Membros do grupo municipal do BNG). En consecuencia queda aprobada a emenda presentada polo Sr. Cordal Rodríguez quedando o texto redactado do seguinte xeito:

PROPOSTA PARA A REDACCIÓN E APROBACIÓN DUN CONVENIO DE COLABORACIÓN SOBRE OS EVENTOS RELATIVOS AO NOMEAMENTO DE CAMBADOS COMO CIDADE EUROPEA DO VIÑO 2017 E UNHA COMISIÓN DE SEGUIMIENTO DO MESMO

Como todos sabemos o pasado día 04/11/2016 Cambados foi nomeada Cidade Europea do Viño 2017 gracias a un traballo previo realizado polo Departamento de Enoturismo. Esta distinción a concede RECEVIN (Rede de Cidades Europeas do Viño), que aglutina a preto de 800 cidades europeas de 11 países e conta co apoio de 3 asociacións nacionais de cidades do viño.

Os obxectivos de RECEVIN son tales como fomentar o enoturismo, impulsar e promocionar os territorios vitivinícolas, dar a coñecer todo o relativo co mundo do viño e potenciar os destinos enoturísticos. A finalidade última destes obxectivos é desenvolver e promocionar as economías locais dos territorios vitivinícolas.

Este premio debe ser entendido como un éxito colectivo de todo o pobo de Cambados, como unha oportunidade e un momento histórico para a Comarca do Salnés e para toda Galicia.

Polo tanto todos debemos sentir, vivir, e disfrutar este gran momento que vai a supoñer un gran impulso para o sector vitivinícola e para o turismo na nosa comarca. Por estos motivos dende a Concellería de Enoturismo entendemos que é necesaria a redacción e posterior aprobación dun convenio de colaboración ao cal debe convidarse a participar ás entidades públicas e privadas vinculadas ás actividades presentadas no proxecto da candidatura de Cambados como Cidade Europea do Viño 2017, que, asemade, formarán parte dunha comisión de seguimento do citado convenio de colaboración.

O motivo polo cal creemos necesario a redacción e aprobación deste convenio de colaboración e da súa comisión de seguimento é o de axilizar os trámites relacionados coa organización dos eventos e o desenvolvemento dos mesmos. Así mesmo tamén sería un instrumento útil para que de forma coordinada e organizada, entre todos, poidamos reunir os recursos necesarios para o éxito que require o nomeamento de Cambados como Cidade Europea do Viño 2017.



**Ilmo Concello de
CAMBADOS
(Pontevedra)**

Este convenio de colaboración e a súa comisión de seguimento entendemos que debería estar formada polos seguintes representantes:

- 1.- Representante de FECA (Federación de empresarios da Comarca de Arousa)
- 2.- Representante do Grupo Municipal do Partido Popular de Cambados.
- 3.- Representante do Grupo Municipal do Partido Socialista de Cambados.
- 4.- Representante do Grupo Municipal do BNG de Cambados.
- 5.- Representante do Grupo Municipal de Somos Cambados de Cambados.
- 6.- Representante do Grupo Municipal de Cambados Pode de Cambados.
- 7.- Representante da Deputación Provincial de Pontevedra.
- 8.- Representante da Xunta de Galicia.
- 9.- Representante da Mancomunidade do Salnés.
- 10.- Representante da Ruta do Viño Rías Baixas.
- 11.- Representante da D.O. Rías Baixas.
- 12.- Representante do Capítulo Serenísimos do Albariño.
- 13.- Representante da Asociación de Comerciantes Zona Centro.

Quedaría aberta a posibilidade de incorporación de novos membros que poidan xurdir próximamente mediante unha petición por escrito e aprobación da súa admisión por parte da comisión de seguimento.

O carácter desa comisión de seguimento será meramente consultivo, reservando a potestade de toma de decisións ao equipo de goberno do Concello de Cambados.

A periodicidade das xuntanzas desta comisión de seguimento será MENSUAL, tendo lugar o primeiro luns de cada mes no MUSEO DO VIÑO de Cambados.

A presidencia desta Comisión de Seguimento corresponderá ao Concelleiro Delegado no Departamento de Enoturismo do Concello de Cambados.

Polo exposto propoño se dictamine a seguinte proposta en sentido favorable e se eleve ao Pleno o seguinte acordo:

Primeiro.- Redactar e aprobar un convenio de Colaboración e unha comisión de seguimento dos eventos relativos ao nomeamento de Cambados como cidade europea do viño 2017.

Segundo.- A Comisión de Seguimento terá carácter consultivo e non vinculante, dependendo xerárquicamente do Concelleiro delegado de Enoturismo. Únicamente exercerá funcións de proposta de actuacións realacionadas cos eventos relativos ao nomeamento de Cambados como cidade europea do viño 2017 que o Presidente trasladará aos Concelleiros ou órganos competentes.

Terceiro.- Integrantes:

Presidente: O Concelleiro Delegado no Departamento de Enoturismo do Concello de Cambados

Vocais: Un representante de cada un dos seguintes grupos municipais do Concello (Partido Popular, Partido Socialista, BNG e Somos Cambados mediante escrito



**Ilmo Concello de
CAMBADOS
(Pontevedra)**

presentado polo correspondente voceiro. Asimesmo por un representante, da Deputación Provincial de Pontevedra, da Xunta de Galicia, da Mancomunidade do Salnés, da Ruta do Viño Rías Baixas, da D.O. Rías Baixas, do Capítulo Serenísimos do Albariño e da Asociación de Comerciantes Zona Centro, designado por eles. No caso de non proceder ao nomeamento no prazo de 15 días dende a invitación entenderase que declinan integrarse na comisión de seguimento.

Poderán incorporarse novos membros mediante unha petición por escrito e aprobación da súa admisión por parte da comisión de seguimento.

Secretario: Un traballador do Concello nomeado polo Concelleiro de Enoturismo.

Cuarto.- Réxime de sesións, funcionamento e acordos:

Sesións:

- Ordinarias: O primeiro luns de cada mes. Convocarase con 2 días hábiles de antelación.

- Extraordinarias: Como máximo de 3, a instancia do Presidente.

Para a válida constitución do órgano, a efectos da celebración de sesións, e toma de acordos, requirirase a asistencia, presencial do Presidente e Secretario ou no seu caso, de quen os suplan, e da metade, ao menos, dos seus membros. Todos os acordos serán adoptados por maioría simple.

Acto seguido procédese á votación do texto emendado acadándose o seguinte resultado:

Votos a favor: 13 (Membros dos grupos municipais do PP, P.S.deG.-PSOE, Participación Democrática Directa de Galicia/Somos Cambados e grupo mixto)

Abstencións 3 (Membros do grupo municipal do BNG). En consecuencia queda aprobada a proposta para a redacción e aprobación dun convenio de colaboración sobre os eventos relativos ao nomeamento de Cambados como cidade europea do viño 2017 e unha comisión de seguimento do mesmo.

II) PARTE DE CONTROL E FISCALIZACIÓN DA XESTIÓN DOS ÓRGANOS MUNICIPAIS DE GOBERNO

3º.- MOCIÓN DO GRUPO MUNICIPAL DO PARTIDO POPULAR, SOLICITANDO A CREACIÓN DUNHA COMISIÓN EXECUTIVA E DE COORDINACIÓN CON MOTIVO DA CAPITAL EUROPEA DO VIÑO 2017.

Polo Sr. Aragunde Aragunde solicítase a retirada do asunto.

Votos a favor: 13 (Membros dos grupos municipais do PP, P.S.deG.-PSOE, Participación Democrática Directa de Galicia/Somos Cambados e grupo mixto)



**Ilmo Concello de
CAMBADOS
(Pontevedra)**

Abstencións 3 (Membros do grupo municipal do BNG). En consecuencia queda retirada da orde do día a moción do grupo municipal do partido popular, solicitando a creación dunha comisión executiva e de coordinación con motivo da capital europea do viño 2017.

4º.- ACORDO DO GOBERNO MUNICIPAL CON MOTIVO DO DÍA INTERNACIONAL CONTRA A VIOLENCIA DE XÉNERO.

Intervén a Sra. Alcaldesa quen dí que esta moción que se trae hoxe a pleno, quere conquistar unha serie de acordos municipais, entre todas as forzas políticas para que a lacra da violencia contra a muller sexa rexeitada de maneira contundente e visible no noso Concello, pero tamén para solicitar que se leven a cabo unha serie de medidas necesarias para mellorar a atención e a protección ás vítimas e aos seus fillos e fillas menores.

Desde os concellos, administración máis próximas aos cidadáns, coñecemos en primer lugar os casos, pero precisamos dunha coordinación supramunicipal para poder contar con mecanismos eficientes que garanticen unha axuda e unha protección real das vítimas.

Dentro das nosas posibilidades, en Cambados vimos de presentar unha Mesa Local Interinstitucional Mancomunada contra a violencia de xénero, a primeira de Galicia, onde estarán representadas as forzas de seguridade (Policía Local e Garda Civil), sanitarios do PAC, xuíces, psicóloga, abogada e axente de Igualdade do Cim, Xunta de Galicia, Deputación de Pontevedra, Centro de Emexencias, traballadora social, educadora familiar, e políticos responsables das áreas relacionadas coa muller e a igualdade, dos Concellos de Ribadumia, Meis e Cambados.

Pero este mecanismo de coordinación para mellorar o traballo e a atención, axuda e seguimento das vítimas, non é suficiente, e precisamos que o Goberno do Estado, estableza tamén determinadas medidas ao respecto. No noso Concello estáanse a dar cada vez máis casos e en idades cada vez máis temperás. Polo que hai que atallar estes comportamentos desde a infancia e a adolescencia, educando en igualdade e respetando ás mulleres e ao que nós representamos.

Para elo queremos que se adopten no noso Concello os seguintes acordos:

1. Impulsar desde o ámbito local a sensibilización sobre a violencia de xénero, e a detección e apoio ás vítimas e os seus fillos e fillas menores.
2. Impulsar a aplicación da Lei de Medidas de Protección Integral contra a Violencia de Xénero en coordinación con todos os poderes públicos, tanto locais como autonómicos e estatais.
3. Reclamar que os Concellos e entes locais recuperen expresamente as competencias en Igualdade e Violencia de xénero, con dotación orzamentaria suficiente, igual que o resto das Administracións Públicas, no ámbito das súas respectivas competencias, co obxecto de aplicar na súa integridade e de forma



**Ilmo Concello de
CAMBADOS
(Pontevedra)**

eficaz a Lei Orgánica 1/2004, de Medidas de Protección Integral contra a Violencia de Xénero.

4. Declararnos municipio libre de violencia de xénero. Para iso, este concello garantirá unha rede de atención social ás mulleres en situación de violencia que lles axudará a buscar alternativas para recuperar a súa vida (dereitos laborais, políticas de formación, apoio ao emprego, vivenda, axudas sociais). Na devandita rede estarán incluídos os servizos de protección, información, asesoramento, acompañamento e acollida para mulleres en situación de violencia de xénero, e para os seus fillos e as súas fillas.

Este Concello esixe ao Goberno do estado que:

- Repoña e dote suficientemente as partidas orzamentarias, que se viñeron recortando nos últimos anos, especialmente os recursos destinados á prevención e á asistencia social das vítimas de violencia de xénero, dependentes tanto das Comunidades Autónomas, como dos servizos de proximidade dos concellos.
- Estipule un fondo de apoio aos concellos para dar reforzo á rede de servizos públicos, impulsando o papel que desempeñan e deben seguir desempeñando os servizos sociais municipais e centros da Muller para o desenrolo e cumprimento da Lei Orgánica 1/2004, de 28 de decembro, de Medidas de Protección Integral contra a Violencia de Xénero e a Lei Orgánica 8/2015, de 22 de xullo, de modificación do sistema de protección á infancia e á adolescencia.
- Poña en marcha, nos Xulgados Especializados en Violencia de Xénero, o Acompañamento Xudicial Personalizado para facer accesible a información ás mulleres vítimas de violencia de xénero sobre o itinerario e procedemento máis seguro no seu percorrido xudicial desde o momento no que pon a denuncia até o final do proceso.
- Estableza protocolos de intervención específicos para a atención integral ás mulleres que retiraron a denuncia por violencia de xénero.
- Active de forma permanente o Plan Nacional de Sensibilización e Prevención da violencia de Xénero.
- Incorpore ao currículo a formación específica en Igualdade, educación afectivo-sexual e de prevención da violencia de xénero en todas as etapas educativas.
- Poña en marcha un Plan integral para previr, protexer e reparar o dano a menores vítimas de violencia de xénero.
- Estipule a obrigatoriedade de que tanto os maxistrados á fronte do órgano xurisdiccional especializado, como avogados, forenses e equipos psicosociais que interveñan nos xulgados especializados de violencia de xénero teñan



**Ilmo Concello de
CAMBADOS
(Pontevedra)**

certificado, previamente a ocupar o seu posto, formación específica na materia impartida por unha institución acreditada.

Amplíe as disposicións preventivas, procesuais, punitivas e protectoras da lei de 2004 para abarcar, coas adaptacións necesarias, todas as formas de violencia contra a muller, tal como esixe a Recomendación Xeral nº 19 da CEDAW e o Convenio do Consello de Europa sobre Prevención e Loita contra a Violencia contra a Muller e a Violencia Doméstica (Convenio de Estambul),

O texto íntegro da moción é o seguinte:

"A violencia contra ás mulleres ten as súas raíces profundas nunha sociedade desigual e discriminatoria, na que ás mulleres se lles outorga o papel pasivo e aos homes un papel activo e dominador. Neste momento, en España, a morte de cada muller a mans da súa actual parella ou ex parella é un sinal de alarma social que avisa de maneira intermitente de que hai que seguir reforzando e mellorando a resposta fronte á violencia machista. Para iso, hai que abundar nas campañas de sensibilización da cidadanía e dedicar máis recursos e esforzos á política de prevención co obxectivo de chegar a erradicar unha das secuelas e vergoñas da nosa sociedade: a violencia de xénero.

Pasaron 12 anos desde que o Goberno Socialista aprobase a Lei Orgánica de Medidas de Protección Integral contra a Violencia de Xénero que supuxo un revulsivo fronte á violencia de xénero, impulsando a súa primeira lei, a Lei Orgánica 1/2004, cun fundamento transversal de loita contra a mesma e que foi apoiada por un amplo acordo de todos os partidos políticos. Sen embargo, os datos a día de hoxe son preocupantes. O Goberno do Partido Popular reduciu drasticamente a partida orzamentaria destinada á violencia, apenas alcanza o 0,0103%, o que significa un 10,92% menos en 2016 respecto de 2009. Pero, ademais, a coordinación institucional non está ben articulada o que nos leva a afirmar que, a día de hoxe, fallou a resposta do Goberno Popular contra a violencia de xénero.

En efecto, segundo datos oficiais do Ministerio de Sanidade, Servizos Sociais e Igualdade, desde xaneiro de 2003 a outubro de 2016, máis de 800 mulleres morreron en España por violencia de xénero. O Observatorio contra a Violencia de Xénero do Consello Xeral do Poder Xudicial e a Fiscalía Xeral do Estado dan, ademais, a voz de alarma polo reducido número de denuncias presentadas. O 75% das vítimas, non presentaron denuncia ante o número tan elevado de mulleres que son vítimas da violencia de xénero. Son 33.593 mulleres, un 8,8% máis que no segundo trimestre do 2015.

Os doce anos de andadura da Lei Orgánica de Medidas de Protección Integral contra a Violencia de Xénero serviron, con todo, para desmontar totalmente algún prexuízo dos detractores desta realidade, como as chamadas "denuncias falsas". A última Memoria da Fiscalía Xeral do Estado despexa calquera dúbida respecto diso, afirmando que "A escasa porcentaxe de causas incoadas cada ano por delito de acusación ou denuncia falsa, supón un 0.0015%, é suficientemente elocuente para rebater as voces que se alzan ao redor da prevalencia das "denuncias falsas" en materia de violencia sobre a muller". E o balance da aplicación das medidas xa



**Ilmo Concello de
CAMBADOS
(Pontevedra)**

desenvolvidas desta lei integral, demostra a necesidade de manter un amplo consenso social e político, e de culminar o seu desenvolvemento.

A Lei de Reforma Local, non acordada cos partidos da oposición e imposta polo Goberno do PP, cualificou como impropias as competencias que os Concellos e as Entidades Locais viñan exercendo en Igualdade e Violencia de Xénero, afastando desta maneira os servizos públicos da atención das mulleres e suprimindo o labor de detección, denuncia e apoio específico, que realizaban os servizos sociais municipais.

Por último, tal como recomendaron tanto a CEDAW como o Convenio do Consello de Europa sobre Prevención e Loita contra a Violencia contra a Muller e a Violencia Doméstica, estamos convencidos de que é o momento de ampliar a Lei Integral contra a violencia de xénero de maneira que estean recollidas nela todas as manifestacións da devandita violencia e non exclusivamente, como ocorre neste momento, as que se producen en relacións de parella.

Por todo iso, e porque a tolerancia cero coa violencia contra as mulleres debe ser un valor da sociedade no seu conxunto e, para poder ser eficaz, levarse a cabo tamén desde a administración máis próxima á cidadanía, o Grupo Municipal Socialista presenta a seguinte MOCIÓN, para a súa consideración e aprobación polo Pleno e a adopción dos seguintes **ACORDOS**:

1. Impulsar desde o ámbito local a sensibilización sobre a violencia de xénero, e a detección e apoio ás vítimas e os seus fillos e fillas menores.
2. Impulsar a aplicación da Lei de Medidas de Protección Integral contra a Violencia de Xénero en coordinación con todos os poderes públicos, tanto locais como autonómicos e estatais.
3. Reclamar que os Concellos e entes locais recuperen expresamente as competencias en Igualdade e Violencia de xénero, con dotación orzamentaria suficiente, igual que o resto das Administracións Públicas, no ámbito das súas respectivas competencias, co obxecto de aplicar na súa integridade e de forma eficaz a Lei Orgánica 1/2004, de Medidas de Protección Integral contra a Violencia de Xénero.
4. Declararnos municipio libre de violencia de xénero. Para iso, este concello garantirá unha rede de atención social ás mulleres en situación de violencia que lles axudará a buscar alternativas para recuperar a súa vida (dereitos laborais, políticas de formación, apoio ao emprego, vivenda, axudas sociais). Na devandita rede estarán incluídos os servizos de protección, información, asesoramento, acompañamento e acollida para mulleres en situación de violencia de xénero, e para os seus fillos e as súas fillas.

Este Concello esixe ao Goberno do estado que:

- Repoña e dote suficientemente as partidas orzamentarias, que se viñeron recortando nos últimos anos, especialmente os recursos destinados á



**Ilmo Concello de
CAMBADOS
(Pontevedra)**

prevención e á asistencia social das vítimas de violencia de xénero, dependentes tanto das Comunidades Autónomas, como dos servizos de proximidade dos concellos.

- Estipule un fondo de apoio aos concellos para dar reforzo á rede de servizos públicos, impulsando o papel que desempeñan e deben seguir desempeñando os servizos sociais municipais e centros da Muller para o desenrolo e cumprimento da Lei Orgánica 1/2004, de 28 de decembro, de Medidas de Protección Integral contra a Violencia de Xénero e a Lei Orgánica 8/2015, de 22 de xullo, de modificación do sistema de protección á infancia e á adolescencia.
- Poña en marcha, nos Xulgados Especializados en Violencia de Xénero, o Acompañamento Xudicial Personalizado para facer accesible a información ás mulleres vítimas de violencia de xénero sobre o itinerario e procedemento máis seguro no seu percorrido xudicial desde o momento no que pon a denuncia até o final do proceso.
- Estableza protocolos de intervención específicos para a atención integral ás mulleres que retiraron a denuncia por violencia de xénero.
- Active de forma permanente o Plan Nacional de Sensibilización e Prevención da violencia de Xénero.
- Incorpore ao currículo a formación específica en Igualdade, educación afectivo-sexual e de prevención da violencia de xénero en todas as etapas educativas.
- Poña en marcha un Plan integral para previr, protexer e reparar o dano a menores vítimas de violencia de xénero.
- Estipule a obrigatoriedade de que tanto os maxistrados á fronte do órgano xurisdiccional especializado, como avogados, forenses e equipos psicosociais que interveñan nos xulgados especializados de violencia de xénero teñan certificado, previamente a ocupar o seu posto, formación específica na materia impartida por unha institución acreditada.
- Amplíe as disposicións preventivas, procesuais, punitivas e protectoras da lei de 2004 para abarcar, coas adaptacións necesarias, todas as formas de violencia contra a muller, tal como esixe a Recomendación Xeral nº 19 da CEDAW e o Convenio do Consello de Europa sobre Prevención e Loita contra a Violencia contra a Muller e a Violencia Doméstica (Convenio de Estambul), que España ratificou.".

Intervén o Sr. Aragunde Aragunde quen anuncia que van a apoiar esta moción e roga que na vindeira ocasión se consensúe e se convoque unha xunta de voceiros.

Sometido o acordo do goberno municipal a votación este é apreciado por unanimidade (16). En consecuencia queda aprobado o acordo do goberno municipal



**Ilmo Concello de
CAMBADOS
(Pontevedra)**

con motivo do día internacional contra a violencia de xénero nos termos en que foi presentado.

5º.- MOCIÓN DO GRUPO MUNICIPAL DO BNG, SOBRE A TRANSFERENCIA DA AP-9.

Intervén o Sr. Caamaño Rivas quen expón que o que se solicita é a transferencia da AP-9, que a infraestrutura está máis que amortizada, que xa foi aprobada unha moción nestes termos no Parlamento de Galiza. Acto seguido da lectura á moción que é a seguinte:

Intervén o Sr. Aragunde Aragunde quen manifesta que van a votar a favor, que non obstante discrepan do punto 3º xa que non entenden que sexa así como ven redactado. Que o PP de Galicia está dacordo en que se transfira que cando escomenzou esta construción o BNG dixo que isto era unha navallada a Galicia. Remata a dicir que van votar a favor aínda que o punto 3º non lles gusta.

Intervén o Sr. Caamaño Rivas dicindo que o punto 3º se refire a determinados poderes económicos aos que sempre se lles beneficia xa que se vai ben a súa actividade non pasa nada e se vai mal pagamos todos. Remata dicindo en relación ás verbas do voceiro do PP sobre a postura contraria do BNG a que se construíse no seu día a AP-9, que se o BNG no seu día dixo iso evidentemente estaba equivocado.

Sometida a moción a votación esta é a preciaada por unanimidade (16). En consecuencia queda aprobada a moción do grupo municipal do BNG, sobre a transferencia da AP-9 nos termos en que foi presentada e cuxo texto é o seguinte:

“A AP-9 é unha autoestrada que abrangue unha parte moi importante do territorio galego, ao conectar toda a franxa atlántica e catro das sete cidades galegas. Malia o seu carácter vertebrador, a AP-9 continúa a depender do Goberno Central, que mantén unhas peaxes desorbitadas que limitan o acceso a esta vía ás persoas con menos recursos, e lastran o desenvolvemento de sectores económicos galegos. As competencias e a xestión desta autoestrada por parte do Estado é motivo de controversia, non só polas abusivas peaxes, senón tamén polo deterioro e servizo deficiente que presta a concesionaria, coa complicidade do Goberno central.

O Parlamento de Galiza, ao final da IX Lexislatura, por unanimidade de todas as forzas políticas con representación, aprobou a “Proposición de Lei Orgánica de transferencia da titularidade e competencias da AP-9 á Comunidade Autónoma de Galiza”, que foi remitida ao Congreso dos Deputados para a súa tramitación e aprobación final.

O día 14 de outubro de 2016, o Goberno central comunicaba a desconformidade coa súa tramitación nas Cortes Xerais, en base a un suposto incremento de créditos orzamentarios. Con independencia de que as contas feitas polo Ministerio de Fomento son absurdas, ao fundarse nos ingresos brutos das peaxes nun ano determinado (co que no caso de que as galegas e galegos decidísemos durante un



**Ilmo Concello de
CAMBADOS
(Pontevedra)**

ano non usar dita infraestrutura e reducir ao mínimo os ingresos de peaxes xa nos saíría case gratis o rescate), constitúe un agravio comparativo e unha discriminación parapetarse nun suposto incremento orzamentario para vetar o debate sobre a transferencia da AP-9 a Galiza e poder abaratar o seu custe para as usuarias e usuarios, cando se está a falar de achegar cantidades multimillonarias de diñeiro do orzamento público para rescatar autoestradas quebradas en Madrid, e que non redundarán precisamente nun beneficio das persoas que as usan, senón que irán directamente para compensar ás construtoras e á banca que tamén impulsaron esa ruínoza construción de vías de alta capacidade.

Os grupos políticos desta corporación, debemos reafirmar e apoiar a iniciativa aprobada no Parlamento de Galiza que ten como finalidade superar un marco competencial onde Galiza nin decide nin opina sobre a xestión da vía de alta capacidade máis importante do punto de vista social e económico do país, e aspira a que desde Galiza se tome o control desa autoestrada, para rematar coas deficiencias na súa xestión, as tarifas abusivas e mesmo que sexa empregada como obxecto especulativo por parte de grandes fondos de investimento dados os altos beneficios que xera, a custa do peto de sufridos usuarios e usuarias, co modelo de xestión que ten a administración central da AP-9.

Con esta moción pretendemos que a Corporación de Cambados tamén se sume ao consenso político acadado no Parlamento de Galiza e apoie expresamente a defensa da iniciativa legislativa para reclamar a transferencia da titularidade e competencias da AP-9 á Comunidade Autónoma de Galiza, nos termos aprobados polo Parlamento de Galiza.

Ademais, para expresar o rexeitamento a que unilateralmente e sen xustificación, dun xeito totalmente arbitrario e despectivo cara a principal institución representativa de Galiza, mesmo se impoña un veto ao seu debate e tramitación nas Cortes Xerais. Polo tanto, tamén estamos a reclamar que se garanta un elemental dereito democrático por parte do Goberno central, a que unha iniciativa de tanta importancia para Galiza sexa debatida e sometida a consideración do Congreso e do Senado, non simplemente a ser arquivada sen ter a oportunidade de a poder facer valer.

Por todo iso, o Pleno da Corporación Municipal de Cambados

ACORDA

- 1. Instar ao Goberno central e ao Ministerio de Fomento a retirar a desconformidade coa tramitación da "Proposición de Lei Orgánica de transferencia da titularidade e competencias da AP-9 á Comunidade Autónoma de Galiza", aprobada por unanimidade do Parlamento de Galiza.**



Ilmo Concello de
CAMBADOS
(Pontevedra)

2. Instar a todos os grupos políticos con representación nas Cortes Xerais a axilizar a súa tramitación e aprobala nos termos consensuados no Parlamento de Galiza.
3. Rexeitar o rescate multimillonario con fondos públicos de autoestradas co único fin de salvar á Banca e as construtoras que as xestionan, e instar a que os recursos públicos se destinen prioritariamente ao rescate de autoestradas en beneficio das usuarias e usuarios finais, para rematar coas peaxes abusivas da AP9.
4. Trasladar este acordo aos grupos políticos con representación no Parlamento de Galiza e nas Cortes Xerais, ademais do Goberno Central e a Presidenta do Congreso dos Deputados."

6º.- ACORDO DO GRUPO DE GOBERNO PARA INSTAR AO GOBERNO DA XUNTA DE GALICIA SOBRE PROXECTO DE DECRETO DE ORDENACIÓN DE APARTAMENTOS E VIVENDAS TURÍSTICAS NA COMUNIDADE AUTÓNOMA.

Intervén a Sra. Alcaldesa quen dí que este é un proxecto que se lles presenta por parte da Asociación AVITURGA.

Antes de escomenzar co tratamento do asunto a Alcaldesa concédelle a palabra a un membro da Asociación AVITURGA quen expón que quedaron fora da Lei de Arrendamentos urbanos as vivendas turísticas, que por parte da Xunta de Galicia se pretende regular pensando unicamente no sector hostaleiro sen ter en conta as opinións dos propietarios das vivendas turísticas e que o único que piden é que exista un consenso xa que eles tamén teñen algo que dicir. Que solicitan o apoio para que se inste á Xunta de Galicia para que se dea audiencia ao concellos e aos propietarios das vivendas turísticas xa que repercutiría favorablemente para todos.

Intervén a Sra. Martínez Piñeiro quen dí que ten pouco que engadir á intervención da representante de AVITURGA, que non se consultou aos propietarios, que é un Decreto ambiguo e que teñen requisitos de difícil cumprimento. Procede á lectura da parte dispositiva da moción que íntegramente é a seguinte:

"AVITURGA é unha asociación de recente creación, legalmente constituída e inscrita no Rexistro Central de Asociacións co número 2016/020649-1ª.
É a primeira e única asociación de Propietarios de Vivendas Turísticas de Galicia.

Na actualidade temos asociados de diferentes concellos de Galicia, tendo asociados veciños/as do Concello de Cambados.

A Xunta de Galicia ten elaborado un proxecto de Decreto /2016 polo que se establece a ordenación de apartamentos turísticos, vivendas turísticas e vivendas de uso turístico na Comunidade Autónoma de Galicia.



**Ilmo Concello de
CAMBADOS
(Pontevedra)**

Na elaboración do mencionado documento unicamente consultouse o sector hotelero, como así consta nos diferentes medios de comunicación i eles recoñecen.

Dende AVITURGA, entendemos que é necesaria unha ordenación e regulación do alugamento vacacional. Pero esta regulación que compete a Xunta de Galicia, debe facerse dende a transparencia, con unha ordenación clara, sen beneficios hacia ningún colectivo, ao contrario dando cabida a todos e coa finalidade de potenciar o turismo en Galicia, e como non potenciando de forma destacada as vivendas turísticas como elemento dinamizador do sector turístico en Galicia.

Polo tanto entendemos imprescindible a participación dos propietarios de estas vivendas, que son moitos, fundamentalmente no litoral galego, para que no mesmo se contemplen tamén as necesidades e os obxetivos dos propietarios así como canalizar toda a enerxía do sector en aras de un mellor servizo aos potenciais turistas.

A redacción do proxecto de decreto como se coñece ata a data, non ten como finalidade a ordenación de apartamentos turísticos, vivendas turísticas e vivendas de uso turístico, ao contrario parece que o decreto persigue a eliminación das mesmas. Este decreto ten medidas abusivas de difícil cumprimento que pretenden, sin xustificación racional, a eliminación de vivendas do mercado de alugamento vacacional.

Concretamente en Cambados, hai moitas familias que teñen vivendas destinadas a alugamentos vacacionais. Os requisitos que se exigen neste decreto para que esas vivendas poidan seguir alquilándose na tempada estival son de difícil cumprimento o cal implicaría que case a totalidade das vivendas non poderían alquilarse ocasionando un impacto económico moi negativo na economía de este Concello, tanto para as familias como para todo entorno económico, negocios, restaurantes, etc e con un risco a maiores da marcha dos turistas para outros lugares.

O alugamento vacacional é unha tendencia global que contribúe o crecemento das economías de unha boa parte dos concellos de Galicia. A demanda de alugamento vacacional crece ano tras ano o que demostra unha gran satisfacción por parte do cliente que se hospeda neste tipo de aloxamentos.

Dende AVITURGA queremos que se regule o alugamento vacacional con un decreto claro, transparente, con unas esixencias mínimas, que na elaboración do mesmo haxa unha representación dos propietarios e sobre todo que o decreto teña como finalidade potenciar as vivendas turísticas.

Por todo elo, solicitamos ó Pleno da Corporación a adopción do seguinte

ACORDO:

1º. Instar o Goberno da Xunta de Galicia a retirada do proxecto de decreto /2016 polo que se establece a ordenación de apartamentos turísticos, vivendas turísticas e vivendas de uso turístico na Comunidade Autónoma de Galicia.



**Ilmo Concello de
CAMBADOS
(Pontevedra)**

2º. Instar o Goberno da Xunta de Galicia a elaborar un decreto no que participe na súa redacción para regular a ordenación de apartamentos turísticos, vivendas turísticas e vivendas de uso turístico cuns requisitos mínimos, que teña como finalidade potenciar as vivendas turísticas e non eliminalas. Na elaboración do mesmo que participe unha representación dos propietarios das vivendas así como os concellos.”.

Intervén o Sr. Aragunde Aragunde dicindo que o Decreto foi tramitado co procedemento legalmente establecido, que AVITURGA constituíuse recentemente pero que sí participaron usuarios, que o texto publicouse, someteuse ao consello de turismo de Galicia ao sector turístico, á FEGAMP, a Universidades e a Sindicatos. Que asimesmo houbo unha xuntanza en Exposalnés á que acudiron axencias de viaxe e particulares (entre 40 e 50 persoas). Que outras Comunidades Autónomas xa regularon o sector, que urxe esta tramitación e en todo casotamén se poden presentar alegacións. Remata a dicir que non están dacordo con retirar ou paralizar esta regulación.

Intervén a Sra. Martínez Piñeiro quen dí que dende AVITURGA deixan claro que queren que se regule o sector pero que entenden que o Decreto é abusivo e que hai que atender ás súas inquiredanzas e modificar o texto.

Intervén o Sr. Aragunde Aragunde quen dí que entenden que se pode instar a que se faga unha retificación pero non que se retire.

Sometido o acordo a votación acádase o seguinte resultado:

Votos a favor: 9 (Membros dos grupos municipal do P.S.deG.-PSOE, BNG, Participación Democrática Directa de Galicia/Somos Cambados e grupo mixto)

Votos en contra: 7 (Membros do grupo municipal do PP)

En consecuencia queda aprobado o acordo do grupo de goberno para instar ao goberno da Xunta de Galicia sobre proxecto de decreto de ordenación de apartamentos e vivendas turísticas na comunidade autónoma nos termos en que foi presentado.

7º.- DAR CONTA DO INFORME DE INTERVENCIÓN SOBRE O PERÍODO MEDIO DE PAGO DO TERCEIRO TRIMESTRE DO EXERCICIO 2016.

O pleno dase por enterado

8º.- DAR CONTA DO INFORME DE TESOURERÍA DE MOROSIDADE DE OPERACIÓN COMERCIAIS DURANTE O TERCEIRO TRIMESTRE DO EXERCICIO 2016.

O pleno dase por enterado

9º.- DAR CONTA DAS RESOLUCIÓN DA ALCALDÍA

O pleno dase por enterado



**Ilmo Concello de
CAMBADOS
(Pontevedra)**

A Sra. Alcaldesa pregunta en base ao previsto no artigo 37 do ROM se algún grupo desexa someter á consideración de urxencia algún asunto que non teña cabida na quenda de rogos e preguntas. Non se presenta ningún.

10º.- ROGOS E PREGUNTAS

Polo Sr. Aragunde Aragunde formúlanse os seguintes rogos:

- Que se lles entreguen as actas das Xuntas de Goberno Local
- Que se lles facilite a documentación que teñen solicitado por rexistro de entrada
- Que se lles conteste a algunha pregunta de plenos pasados
- Que as convocatorias dos plenos e comisións informativas se fagan con maior antelación xa que agora son máis tarde.

E sen máis asuntos que tratar a Sra. Alcaldesa da por rematada a sesión, cando son as vintedúas horas e cincuenta e sete minutos, de todo o que eu como secretario dou fe.

Vº. e Prace
A ALCALDESA

O SECRETARIO XERAL

